

Revenge

Mutabaruka

I am a angry young man I'm on de run
Yesterday I thief mi fada gun
I'm a angry young man
I'm on de run
A shot a police wid mi fada gun
Ask me why
A tell u no lie
A pray years hopin dat dis police would die
As a child a can neva feget
Dat face so ugly and sweat
Yet a knew de day would com
Wen a would have to kill im an run
Now mi family will neva si mi again
Through these years I have felt much pain
A nite mare all these years
So much pain so much tears

Now it happen a long time aguh
Right down there in de ghetto
Mi mada was sittin aroun de shop counta
Wen a man com in an start to beat har
Mi fada was away dat day
Neva knoo who to run to or wat to say
A stan up deh a neva meck a soun
De man push mi mada to de groun
A could'nt se a ting agen
But a knoo mi mada was feelin pain
Wen im lef a hear har cry
A hear har seh "LARD LET ME DIE"

Time and time a would hear mi fada seh
Dat mi sista was not his . . . and a kne right aweh
Dat de day would have to com
Wen a would be a young man on de run

Now a sit behind dis wall
Dis wall suh tall
Still hearin mi mada cry
Still hearin har seh "LARD LET ME DIE"

Lyrics powered by lyrics.tancode.com
written by ALLAN HOPE, MUTABARUKA
Lyrics Â© CONCORD MUSIC GROUP, INC

Lyrics provided by
<https://damnyrics.com/>